



Vischnaunca Lumnezia

| Palius 32D, CH-7144 Vella | +41 (0)81 920 60 00 | info@lumnezia.ch | www.lumnezia.ch |

**PROTOCOL RADUNONZA COMMUNALA LUMNEZIA
04 D'OCTOBER 2024**

2024/03

04 D'OCTOBER 2024
CANZLIA COMMUNALA, 7144 VELLA
Palius 32D, 7144 Vella

Tractandas

1. Avertura	3
2. Protocol dalla radunonza communal da dils 14 da zercladur (2024/02).....	3
3. Rapport e quen annual 2023.....	4
4. Rendaquens da projects	7
a) Sanaziun via da quartier Davos Munts Dado su e sut, Degen	7
b) Parcadi, tualetta e suosta Parvalsauns, Vrin	7
c) Ruta dad ir cun velo «Nino Schurter Biketrail», Suraua.....	7
5. Project collectiv SIE, sanaziun via d'uaul Seglias (tschancun Sutscheins-Butschaniz) el vischinadi da Suraua	8
6. Cumpra d'in vehichel communal per la rumida da neiv	9
7. Naturalisaziuns.....	9
8. Varia.....	10

Protocol dalla radunonza communal Lumnezia (2024/03)

Datum: Venderdis, ils 04 d'october 2024
 Liug: Halla plurivalenta dalla casa da scola Sutvitg 28E, 7144 Vella
 Cuoz: 20:00 – 22.00
 Presents: 59 votantas e votants e 3 hosps
 Parsura: Daniel Solèr, president communal
 Actuara: Silvana Caviezel, canzlista communal

Tractandas

1. Avertura

Il president communal Daniel Solèr arva la radunonza communal fagend beinvegni als presents ed engrazia ad els d'haver dau suatientscha agl invit.

Il president constatescha, che la radunonza communal ei vegnida convocada ad uras conform allas determinaziuns digl artechel 44 ella constituziun dalla vischnaunca Lumnezia, aschia che la radunonza ei cumpetenta da prender conclus.

En siu plaid introductiv gratulescha Daniel Solèr a tut ils funziunaris ch'ei vegni elegi per la perioda d'uffeci 2025-2028: La nova suprastanza communal, ils commembers dalla cumissiun da quen e gestiun sco era il cussegl da scola.

Plinavon informescha el, ch'el hagi astgau gratular il settember alla pli veglia habitonta dalla Lumnezia, Maria Catrina Solèr sin siu 100avel anniversari. Ella habitescha dapi in per onns el da casa val lumnezia, seigi denton vescla e frestga ed hagi giu grond plascher dallas visetas e dallas gratulaziuns.

Il president constatescha, che la radunonza communal ei vegnida convocada ad uras conform allas determinaziuns digl artechel 44 ella constituziun dalla vischnaunca Lumnezia, aschia che la radunonza ei cumpetenta da prender conclus.

Seschau perstgisar han:

- Marcus Caduff, cusseglier guvernativ
- Tino Solèr, Lumbrein

La radunonza elegia dus dumbravuschs

- Martin Cabalzar, Cumbel
- Remo Caminada, Vella

2. Protocol dalla radunonza communal dils 14 da zercladur (2024/02)

Il protocol dalla radunonza communal dils 14 da zercladur 2024 ei staus exponius naven dils 25 da zercladur 2024 ella canzlia communal e silla pagina d'internet dalla vischnaunca, pia duront silmeins 30 dis.

Tenor art. 34 constituziun vegn il protocol dalla radunonza communal exponius per investa dils votants sil pli tard in meins suenter la radunonza duront 30 dis en casa communal e silla pagina d'internet dalla vischnaunca cun corrispundenta publicaziun. Recuors ein d'inoltrar en scret duront quei temps dall'exposiziun alla suprastanza communal. Ils recuors vegnan tractai alla proxima radunonza communal. Decisiva ei aschia la publicaziun silla pagina d'internet dalla vischnaunca (cun corrispundenta publicaziun).

Il president communal Daniel Solèr constatescha, ch'igl ei buca vegniu inoltrau recuors en scret aschia ch'il protocol dalla radunonza communal dils 14 da zercladur 2024 (2024/02) vala sco approbaus tenor art. 34 dalla constituziun dalla vischnaunca Lumnezia.

3. Rapport e quen annual 2023

Il rapport ed il quen annual vegnan buca stampai en gronds diembers sin pupi mobein l'administraziun communal tarmetta in feagl sgulont ellas casadas cun si in QR-Code, che dat la pusseivladad da vegnir directamein silla pagina d'internet dalla vischnaunca per leger ils documents online. Tut tgi che giavischa il rapport ni il quen annual en fuorma da pupi sa s'annunziar tier la canzlia communal e sa secapescha tuttina retrer leu ils documents sin pupi.

Per la gestiun da finanzas valan las determinaziuns dalla constituziun communal e specialmein era l'ordinaziun cantunala da finanzas per las vischnauncas.

Il president communal Daniel Solèr presenta il quen annual 2023 e dat ina survesta generala dallas cefras principalas.

Il quen annual 2023 cuntegn las parts

- Resultat cumplet
- Survesta rendaquen e cefras indicativas
- Quen da gudogn e sperdita
- Quen da gudogn e sperdita (tenor funcziuns)
- Quen d'investiziun
- Bilanza per ils 31-12-2023
- Quen dalla circulaziun dil mieds finansials
- Annexas tier il quen annual 2023
 1. Principis da presentaziun dalla contabilitad, bilanzaziun e valetaziun
 2. Cumprova digl agen capital
 3. Survesta dallas retenziuns
 4. Survesta dallas participaziuns
 5. Survesta dallas garantias
 6. Survesta da rescheviders da gronds pagaments
 7. Survesta dalla facultad finanziaria
 8. Survesta dallas investiziuns bilanzadas dalla facultad administrativa
 9. Ulteriuras indicaziuns
 - 9.1 Fatschentas extraordinarias
 - 9.2 Contribuziuns garantidas dil stadi, cantun e tiarzs
 - 9.3 Regulaziuns da branscha per las amortisaziuns linearas dils camps da provediment ed allontanament che vegnan finansiai cun taxas
 - 9.4 Aczias e secrets da participaziun ella facultad finanziaria
 - 9.5 Tractament special da facultad administrativa tier la midada sin MAC2
 - 9.6 Valetaziun dils beins materials dalla facultad finanziaria – divergenzas dalla valor commerciala
 - 9.7 Indicaziuns dalla facultad da gudiment buca blianzada
 - 9.8 Controlla dils credits d'obligaziun
- Divergenzas preventiv communal 2023 cun quen communal 2023
- Survesta stan dils projects
- Rapport da revisiun dalla cumissiun da gestiun
- Rapport da revisiun dil post da revisiun

Survesta rendaquen

Quen da gudogn e sperdita sur treis scalems		quen 2023	preventiv 2023	quen 2022
	Cuosts da menaschi	14'086'644.98	15'261'080.00	14'171'490.21
30	Cuosts da persunal	5'345'940.34	5'499'801.00	5'347'676.62
31	Cuosts da material e menaschi	5'015'009.15	6'341'689.00	4'768'627.87
33	Amortisaziuns facultad administrativa	404'590.97	742'000.00	1'374'507.30
35	Deposit en fondos e finanziaziuns specialas	84'070.92	6'200.00	153'568.77
36	Cuosts da transfer	3'237'033.60	2'671'390.00	2'527'109.65
37	Contribuziuns transitorias	0.00	0.00	0.00
	Recavs da menaschi	15'434'836.75	14'146'634.00	15'226'827.12
40	Recav fiscal	7'878'189.33	6'843'000.00	7'828'895.10
41	Regals e concessiuns	1'724'793.30	1'686'000.00	1'348'936.55
42	Indemnisaziuns	2'198'534.67	1'692'290.00	2'088'105.75
43	Divers recavs	11'218.50	12'500.00	135'033.53
45	Prelevaziuns ord fondos e finanziaziuns specialas	143'380.90	391'865.00	212'057.64
46	Recav da transfer	3'478'720.05	3'520'979.00	3'613'798.55
47	Contribuziuns transitorias	0.00	0.00	0.00
	Resultat dall'activitad da menaschi	1'348'191.77	-1'114'446.00	1'055'336.91
34	Cuosts da facultad	247'735.26	395'750.00	158'777.52
44	Recav da facultad	917'552.12	848'712.00	930'317.76
	Resultat da finanziaziun	669'816.86	452'962.00	771'540.24
	Resultat operativ	2'018'008.63	-661'484.00	1'826'877.15
38	Cuosts extraordinaris	0.00	0.00	0.00
48	Recav extraordinari	0.00	0.00	0.00
	Resultat extraordinari	0.00	0.00	0.00
	Resultat total quen da gudogn e sperdita (+ = surpli dils recavs / - = surpli dils cuosts)	2'018'008.63	-661'484.00	1'826'877.15

39	Scuntradas internas	1'807'149.35	1'641'225.00	1'542'059.85
49	Scuntradas internas	1'807'149.35	1'641'225.00	1'542'059.85

Quen d'investiziun		quen 2023	preventiv 2023	quen 2022
	Cuosts d'investiziun	4'205'244.43	4'693'000.00	3'818'288.14
50	Beins materials dalla facultad administrativa	4'205'244.43	4'693'000.00	3'818'288.14
51	Investiziuns sin quen da tiarzas personas	0.00	0.00	0.00
52	Beins d'investiziun immaterials	0.00	0.00	0.00
54	Emprests	0.00	0.00	0.00
55	Participaziuns e capital da basa	0.00	0.00	0.00
56	Atgnas contribuziuns d'investiziun	0.00	0.00	0.00
58	Investiziuns extraordinarias	0.00	0.00	0.00
	Recavs d'investiziun	1'463'571.90	1'335'900.00	2'538'908.37
60	Transferiments da facultad administrativa ella facultad finanziaia	0.00	0.00	0.00
61	Restituziuns	146'347.90	0.00	108'480.75
62	Transferiments da beins d'investiziun ella facultad finanziaia	0.00	0.00	0.00
63	Contribuziuns d'investiziun sin agen quen	1'317'224.00	1'335'900.00	2'430'427.62
64	Restituziuns d'emprests	0.00	0.00	0.00
65	Transferiments da participaziuns ella facultad finanziaia	0.00	0.00	0.00
66	Restituziuns d'atgnas contribuziuns d'investiziun	0.00	0.00	0.00
68	Entradas d'investiziun extraordinarias	0.00	0.00	0.00
	Resultat quen d'investiziun	-2'741'672.53	-3'357'100.00	-1'279'379.77
	Atgna finanziaziun	2'363'289.62	-305'149.00	3'142'895.58
	Resultat da finanziaziun (+ = surpli da finanziaziun / - = deficit da finanziaziun)	-378'382.91	-3'662'249.00	1'863'515.81

Resultat complet	quen 2023		quen 2022	
	cuosts	recav	cuosts	recav
Quen da gudogn e sperdita	16'141'529.59	18'159'538.22	15'872'327.58	17'699'204.73
Resultat quen gudogn e sperdita	2'018'008.63		1'826'877.15	
Quen d'investiziun	4'205'244.43	1'463'571.90	3'818'288.14	2'538'908.37
Resultat quen d'investiziun		2'741'672.53		1'279'379.77
Surpli d'entras da gudogn e sperdita	2'018'008.63		1'826'877.15	
Deposit finanziaziun speciala	84'070.92		153'568.77	
Prelevaziun finanziaziun speciala		143'380.90		212'057.64
Amortisaziuns	404'590.97		1'374'507.30	
Atgna finanziaziun (cashflow)	2'363'289.62		3'142'895.58	
Resultat quen d'investiziun		2'741'672.53		1'279'379.77
Deficit ni surpli da finanziaziun	378'382.91			1'863'515.81

Il quen da gudogn e sperdita muossa entradas da CHF 18'159'538.22 ed expensas da CHF 16'141'529.59. Quei munta sut il streh in cashflow (atgna finanziaziun) da buca meins che CHF 2'363'289.62. La vischnaunca ha investau igl onn 2023 buca meins che CHF 4'205'244.43. Suenter las deducziuns dallas subvenziuns resta ina summa netta d'investiziun da CHF 2'741'672.53.

Facultad finanziaria (mieds finansials liquids)	CHF	4'902'833.59
Capital jester (Obligaziuns finansialas a liung termin)	CHF	106'800.00
Agen capital	CHF	47'817'843.57

Facultad netta per habitonts (diember habitonts 2077)	CHF	11'936.18
---	-----	-----------

Rapport da revisiun dalla cumissiun da gestiun

Ord il miez dalla radunonza vegn buca giavischau il plaid aschia che Ciril Collenberg, president dalla cumissiun da gestiun, engrazia a tut ils funcziunaris e collaboraturs dalla vischnaunca per la lavur prestada e fa als presents la proposta d'approbar il quen e rapport annual e da dar scarica alla suprastanza communal.

Vinavon giavischa el als novs elegi dils gremis comunals ina bun'entschatta il schaner 2025. Medemamein engrazia el als commbembers dalla suprastanza, che contonschan la fin dil temps d'uffeci il davos digl onn 2024.

Las pretensiuns da cantun e confederaziun ed era da convischins creschieren ad in crescher e la tscherca da funcziunaris en uffecis vegni pli e pli greva. Tenor manegiar da Ciril Collenberg fussi ei, per vegnir da motivar convischins e convischinas d'entrar en uffecis, bien da schar collaborar els tier projects per aschia survegnir investa co la lavurs da quels uffecis sespleigan.

Approbaziun dil quen annual 2023 e scarica alla suprastanza communal

La radunonza communal approbescha cun gronda maioritad, senza cuntervuschs ed abstenziuns il quen ed il rapport annual 2023 e dat scarica alla suprastanza communal.

4. Rendaquens da projects

a) Sanaziun via da quartier Davos Munts Dado su e sut, Degen

Introducziun

La radunonza communal dils 18 da mars 2022 ha approbau il project per la sanaziun dalla via da quartier Davos Munts Dado sura e sut el vischinadi da Degen ed ha concediu il credit da CHF 325'000. Las lavurs ein terminadas ed il rendaquen final siara cun in rest da credit da CHF 80'725.90.

Il schef dil departament per traffic, ovras publicas ed ambient, Nathan Solèr declara cun agid d'entginas fotografias tgei lavurs ch'ein vegnidas exequidas, respectivamein era tgei lavurs che han buca stuiu vegnir fatgas damai ch'il fundament dalla via era megliers che presupponiu. Plinavon han ils vischins dalla via sura giavischau e confirmau da buca catramar la via e buca montar illuminaziuns publicas. Consequentamein ein ils cuosts dalla via stai in bionton pli bass

Conclus

La radunonza communal decida cun gronda maioritad, senza cuntervuschs ed abstenziuns d'approbar il rendaquen final per la sanaziun dalla via da quartier Davos Munts Dado su e sut el vischinadi da Degen cun in rest da credit da CHF 80'724.90.

b) Parcadi, tualetta e suosta Parvalsauns, Vrin

Introducziun

La radunonza communal dils 18 da zercladur 2021 ha approbau il project per la sanaziun dil parcadi, la costruziun d'ina tualetta publica e la sanaziun dalla suosta dall'Alp da Parvalsauns ed ha concediu il credit da CHF 290'000. Las lavurs ein terminadas ed il rendaquen final muossa in rest da credit da CHF 15'437.60.

Il schef dil departament communal per agricultura, Martin Sgier explica alla radunonza tgei lavurs ch'ein vegnidas exequidas. Era el muossa entginas fotografias dil project finiu.

Conclus

La radunonza communal decida cun gronda maioritad, senza cuntervuschs ed abstenziuns d'approbar il rendaquen final dil parcadi, la costruziun d'ina tualetta publica e la sanaziun dalla suosta dall'Alp da Parvalsauns cun in rest da credit da CHF 15'437.60.

c) Ruta dad ir cun velo «Nino Schurter Biketrail», Suraua

Introduziun

La radunonza communal dils 17 da december 2021 ha approbau il project per la ruta dad ir cun velo Nino Schurter Biketrail ed ha concediu il credit da CHF 300'000.

Suenter ina midada da project cun in'adattaziun dil trapass ha la radunonza communal dils 14 d'avrel 2023 concediu in credit supplementar da CHF 120'000 pil project.

Las lavurs ein terminadas ed il rendaquen final muossa danovamein in surpassament da credit da CHF 8'744.80.

Il schef dil departament communal per turissem e svilup economic, Curdin Capeder explica alla radunonza tgei ch'ein ils motivs per il surpassament. Era el muossa in per fotografias dil traget.

Conclus

La radunonza communal decida cun gronda maioritad, senza cuntervuschs ed abstenziuns da conceder il credit supplementar da CHF 8'744.80 e d'approbar il rendaquen final per la ruta dad ir cun velo Nino Schurter Biketrail cun in surpassament da credit da CHF 8'744.80.

5. Project collectiv SIE, sanaziun via d'uaul Seglias (tschancun Sutscheins-Butschaniz) el vischinadi da Suraua

Introducziun

A caschun dalla radunonza communal da dils 15 da mars 2024 ha il president communal, Daniel Solèr presentau il project collectiv per la sanaziun dalla via d'uaul denter Sutscheins e Butschanz.

Las lavurs han entschiet il 2024 cun las parts per il fundament e las parts purtadras che vegnan exequidas entras ils impressaris da baghegiar. La cuvrada da catram ei lu planisada per la primavera 2025.

La radunonza dils 15 da mars 2024 ha concediu il credit da CHF 700'000 pil project.

Stan actual dil project

Enten exequir las empremas lavurs ei vegniu alla glisch che la fundaziun dalla via era vegnida fatga a sias uras mo cun 10 cm enstagl da 30 cm material. Il president communal, Daniel Solèr, declara alla radunonza tgei ulteriuras lavurs che vegnan a caschunar dapli cuosts che previu. El depona en quei connex era la remarca che las fatschentas incumpensadas duessien far pli conscenziusamein las retschercas da preparaziun pils projects e per las damondas da credit.

Scavament supplementar dus mirs	CHF	5'000
Supplement MX3 mir enstagl blocca	CHF	25'000
Supplement segironza dalla ruosna da scavament	CHF	6'000
Supplement mir cun peisa supplementara	CHF	6'000
Supplement furniziun da material da coffradi	CHF	95'000
Supplement scavament via	CHF	8'000
Supplement projectaziuns	CHF	6'000
Supplement emplenida deposit da lenna	CHF	15'500
Supplement divers cuvrada	CHF	5'000
Supplement divers lavurs d'impressari	CHF	4'000
Respargn material "Überkorn"	CHF	-17'000
Respargn folia da deviazion d'aua	CHF	-8'000
Respargn cuvrada da tumbins	CHF	-5'000
Respargn nunprevediu	CHF	-15'500
Total surpli da cuosts	CHF	130'000

Il credit supplementar vegn medemamein subvenziunau dil cantun cun 77%.

Daniel Solèr declara ch'ei detti ella situaziun dada duas variantas pussevivas. Ina ei quella da tuttina exequir las lavurs da catram sur igl entir tschancun planisau e lu consequentamein stuer surpassar il credit tenor survesta sura. La secunda ei quella da scursanir il tschancun che duei vegnir catramaus per aschia saver tener en la summa da credit da CHF 700'000.

a) Decisiun denter duas variantas per la sanaziun dalla via

Conclus

Sin fundament dallas explicaziuns dedica la radunonza communal cun gronda maioritad, senza cuntervuschs ed abstenziuns da suandar vinavon la varianta 1 cun exequir la cuvrada da catram sigl entir tschancun sco previu.

b) Conceder il credit supplementar da CHF 130'000 (incl. tpv)

La radunonza communal decide cun gronda maioritad, senza cuntervuschs ed abstenziuns da conceder il credit supplementar da CHF 130'000 (incl. tpv.)

6. Cumpra d'in vehichel communal per la rumida da neiv

Introducziun

Il schef dil departament per planisaziun dil territori ed immobilias, Primus Cavegn declara alla radunonza la necessitad da cumprar in vehichel communal, che duei vegnir en funcziun aschibein per lavurs da stad sco era d'unviern. Certs indrezs supplementars ch'eiin gia avon maun duein vegnir brattai en ed auters san vegnir duvrai per montar sin tschels vehichels dil menaschi tecnic.

La suprastonza communal ha schau offerir in vehichel "Lindner Lintrac 80" inclusiv indrezs annex. Cun maletgs e survestas declara Primus Cavegn extendidamein ils detagls alla radunonza communal.

Damondas / discussiun

Martin Keller da Lumbrein constatescha che la vischnaunca hagi bia maschinas che cuostien in massa e fetschien fetg paucas uras sco p.ex. il cargader sin rodas (Pneulader).

Primus Cavegn argumentescha che cunzun igl unviern seigi quei necessari. La neiv stoppi vegnir rumida en tut ils vischinadis il medem mument e negin vegli spitgar.

Conclus

La radunonza communal decida cun gronda majoritad, senza cuntervuschs ed abstenziuns da conceder il credit da CHF 218'000 (incl. tpv.) per la cumpra d'in vehichel communal.

7. Naturalisaziuns

a) Melanie Lemos, Vella

Melanie Lemos, naschida ils 23 da mars 2006, ei carschida si en Lumnezia ed ei integrada cumpleinamein. Ella fa actualmein igl emprendissadi sco assistenta da miedi. Ella viva cun sia famiglia a Vella. Ses geniturs ein pedels dalla scola Vella.

Per la naturalisaziun vala la lescha dil dretg da burgheis dil cantun Grischun (LDBcant) dils 13-06-2017, en vigur dapi 01-01-2018.

Ils extracts dil register penal e dil register da stumadira cuntegnan neginas menziuns. Ils davos 10 onns ha ella mai retratg agid social.

Il discuors persunal dil president communal, Daniel Solèr e la canzlista communal, Silvana Caviezel cun Melanie Lemos ha giu liug ils 13 da zercladur 2024.

Proposta

La suprastonza communal propona alla radunonza da conceder il dretg da burgheis dalla vischnaunca Lumnezia a Melanie Lemos, naschida ils 23 da mars 2006, sesenta a Vella.

Conclus

La radunonza communal decida cun gronda majoritad e senza cuntravusch da conceder il dretg da burgheisa dalla vischnaunca Lumnezia a Melanie Lemos, naschida ils 23 da mars 2006, sesenta a Vella.

b) Christian Meienberger, Degen

Christian Meienberger, naschius ils 13 d'october 1965, ei carschius si ella Bassa. Sco affon vegneva el gia cun sia famiglia per far vacanzas e viagiari en Lumnezia, igl emprem a Morissen e pli tard lu a Degen. El emprenda romontsch, fa part en uniuns indigenas ed ha contacts tier vischinas e vischins indigenas.

Per la naturalisaziun vala la lescha dil dretg da burgheis dil cantun Grischun (LDBcant) dils 13-06-2017, en vigur dapi 01-01-2018.

Il extracts dil register penal e dil register da stumadira cuntegnan neginas menziuns. Igl Uffeci da taglia dil cantun Grischun conferma ch'el ha pagau tut ils quens da taglia. Ils davos 10 onns ha el mai retratg agid social.

Il discuors persunal dil president communal, Daniel Solèr e la canzlista communal, Silvana Caviezel cun Christian Meienberger ha giu liug ils 22 d'uost 2024.

Proposta

La suprastanza communal propona alla radunonza da conceder il dretg da burgheis dalla vischnaunca Lumnezia a Christian Meienberger, naschius ils 13 d'october 1965, sesents a Degen.

Conclus

La radunonza communal decida cun gronda majoritad e senza cuntravusch da conceder il dretg da burgheis dalla vischnaunca Lumnezia a Christian Meienberger, naschius ils 13 d'october 1965, sesents a Degen.

8. Varia

1) Menziuns dil president communal, Daniel Solèr:

- Secund scrutini elecziun suprastanza communal
 - Contact cugl uffeci da vischnauncas.
 - Termin dall'elecziun; 09 da fevrer 2025.
 - Publicaziun per inoltrar candidaturas; 04 da november 2024.
 - Inoltrar candidaturas; tochen ils 09 da december 2024.
- Project SIE sanaziun via La Ritta e butschin d'aua en cass da barschament d'uaul
 - Surdau incarica per las lavurs d'inschignier.
 - Confirmaziun da principi dils 26 da settember 2024 entras igl uffeci d'uaul sco project SIE cun subvenziunau 68%.
 - Execuziun 2025/26.
- Ulivaziun da finanzas 2025
 - 2025; Ulivaziun da resursas CHF 745'464.- (+ CHF 60'276) ed ulivaziun dallas grevezias geografic-topograficas e da scola CHF 1'713'120 (+ CHF 90'646)
 - 2024; Ulivaziun da resursas CHF 685'188.- ed ulivaziun dallas grevezias geografic-topograficas e da scola CHF 1'622'474
- Plan directiv economisaziun da material (deponia Porclas)
- Acziun gidonters voluntaris menaschi tecnic
- Informaziun project infrastruttura da sport a Bual/Vella
- Reit da sanadad Surselva
- Spitex Foppa
 - Encurin candidat/candidata per l'elecziun en suprastanza
 - Cunvegna da prestaziun
- SanaSurselva
 - Elecziun suprastanza (Patrik Schaniel president, Ralf Schläpfer, Marcus Beer, Dumeni Tomaschett, René Epp)
- Retschiert suandontas lubientschas dalla Regenza Grischuna;
 - Project deviazion aua Uresa (execuziun 2025/26).
 - Punt Val Tersnaus vegn sanada e surdada gratuitamein alla vischnaunca. Lavurs da manteniment futuras tier la vischnaunca.
 - Revisiun parziala zona per indrez turistics Triel (project parc da reiver).
- Planisaziun locala

- Sligiazion d'entgins plans da quartiers
- Niev giudicament dallas zonas da prighel (resultads entschatta 2025)
- KOKWZ
 - Radunonza da delegai digl 01 d'october 2024
 - Elecziun suprastonza 2025-2028 (Stefan Schmid president, Thomas Buchli, Daniel Berni, Gian Derungs, Martin Maron)
 - Elecziun cumissiun da quen e gestiun 2025-2028 (Ursin Arpagaus, Thomas Gabathuler)
- Surbaghegiada Nurtatsch
 - Sclariments giuridics tier il contract denter la vischnaunca e famiglia Reutimann
- Retscheiver informaziuns (Crossiety, pagina dalla vischnaunca, feagl ufficial, contact personal)
- Proxima radunonza communal ha liug ils 13 da december 2024
 - Preventiv 2025
 - Elecziun cumissiun da baghegiar
 - Marcau Daniev 28-12-2024 a Vrin

2) Menziuns ord las retschas dalla radunonza communal:

- Guido Derungs dad Uors gi che la turbina dad Uors seigi aunc adina buca en funcziun.
Primus Cavegn declara che la fatschenta incumbensada hagi buca la capacita da temps per far las lavurs. Quei seigi era en autras spartas aschia ch'impresaris e fatschentas hagian aschi bia lavur ch'els vegnien buca suenter d'exequir quellas.

Ei vegn buca pli giavischau il plaid ed il president communal, Daniel Solèr siara la radunonza.

El engrazia a convischinas e convischins per la participaziun, pil sustegn e la confidanza demussada enviars la suprastonza communal.

7144 Vella, ils 04 d'october 2024

Il president:

L'actuara:

Daniel Solèr

Silvana Caviezel